



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მესხია იაკობ (იაშა) ეგნატეს ძე

მესხია იაკობ (იაშა) ეგნატეს ძე (29. XII. 1946, სოფ. ობუჯი, წალენჯიხის მუნიციპალიტეტი, – 9. IX. 2016, თბილისი), ინჟინერ-ეკონომისტი. ეკონ. მეცნ. დოქტორი (1986), პროფესორი (1989), საქართველო. სახელმწ. პრემიის ლაურეატი მეცნ. და ტექ. დარგში (2004, ავტორთა ჯგუფთან ერთად). 1967 დაამთავრა თსუ-ის ეკონ. ფაკ-ტი. 1967–85 მუშაობდა საქ. სსრ სახელმწ. საგეგმო კომიტეტთან არსებულ სახალხო მეურნეობის ეკონ. და დაგეგმვის სამეცნ.-კვლ. ინ-ტში სხვადასხვა თანამდებობაზე (1991–92 – დირექტორი). 1985–90 იყო სსრკ სტატსახკომის აღრიცხვისა და სტატისტ. დარგთაშორისი ინ-ტის საქართვე. ფილიალის დირექტორი, 1992–2004 კი – მისივე ინიციატივით დაარსებული საქართვე. ფინანსებისა და სტატისტ. სამეცნ.-კვლ. ინ-ტის (1996-იდან გარდაიქმნა საქართვე. ფინანსთა სამინისტროსთან არსებულ ფინანსების სამეცნ.-კვლ. ინ-ტად) დირექტორი, საქართვე. კონტროლის პალატის თავ-რის პირველი მოადგილე, თავ-რის მოვალეობის შემსრულებელი (2004–07), თსუ-ის პროფესორი, ეკონ. და ბიზნესის ფაკ-ტის საერთაშ. ბიზნესის კათედრის ხელმძღვ. (2013–16), საქართვე. ეკონ. მეცნ. აკად. ერთ-ერთი დამაარსებელი და პრეზიდენტი (2015–16).

მ. ავტორია სამეცნ. ნაშრომების, რ-თა თემატიკა ეძღვნება ეკონ. პოსტკომუნისტური ტრანსფორმაციის, მაკროეკონომიკის, რეგიონული ეკონომიკის, ფინანსების საკითხებს და სხვ. განსაკუთრებით აღსანიშნავია მისი ნაშრომები ეკონ. და სოც. პროგნოზირების საკითხებზე.

მ. სხვადასხვა წლებში იყო საქართველოში გამომავალი ეკონ. პროფილის თითქმის ყველა სამეცნ. და რამდენიმე უცხ. ჟურნალის სარედაქციო კოლეგიის წევრი, ჟურნალების – „გადასახადები“, „ფინანსური კონტროლი“ – რედაქტორი, „ბიზნესი და კანონმდებლო-

ბის“ სამეცნ. საბჭოს ხელმძღვანელი; საქართვე. პრეზიდენტის, აღმასრ. ხელისუფლებისა და პარლამენტის საკონსულტაციო საბჭოებისა და კოლეგიების წევრი, კონსულტანტი, ექსპერტი; საქართვე. მეცნ. აკადემიასთან არსებული სახელმწ. პრემიების მიმნიჭებელი კომისიისა და ქართ. ენციკლოპედიის სარედაქციო საბჭოს წევრი და სხვ.

დაჯილდოებულია ღირსების ორდენით (2001, 2013).

თხზ.: მაკროეკონომიკური რეგულირების მეთოდები და მოდელები თბ., 2003 (თანაავტ.), სახელმწიფო ფინანსური კონტროლი: განვითარების კონცეფცია, თბ., 2006; Вопросы методологии регионального экономического прогнозирования, М., 1983; Теория и практика микроэкономического прогнозирования, Тб., 1989.

ლიტ.: იაშა (იაკობ) მესხია, თბ., 2016.
